



Kaupae 1 Hangarau 2023

92054 Te whakamārama i te rawa hangarau

Whiwhinga: 6

Kairangi	Kaiaka	Paetae
Ka whakamārama i ngā āhuatanga o te rawa hangarau.	Ka hōhonu te whakamārama i ngā āhuatanga o te rawa hangarau.	Ka tōtōpū te whakamārama i ngā āhuatanga o te rawa hangarau.

TAUIRA TAUAROMAHİ

An expected learner response is an example of an acceptable learner response for this standard. An annotated exemplar for this standard will be developed as NZQA receive ākonga evidence.

Kia eke ki te Kairangi (K8)

Ka tōtōpū te whakamārama i ngā āhuatanga o te rawa hangarau:

- Ka nahanaha te kimi, te wherawhera, me te whakamātau i ngā āhuatanga whāiti o tētahi rawa hangarau i runga i te hiahia kia kitea te rawa e tika ana mō tētahi hanga hangarau.
- Ka parahautia ngā mahi, ngā whakatau, ngā aha atu rānei mā te whakarite nahanaha i ngā mauhanga (ā-pepa, ā-matihiko, ā-ataata, mā tētahi atu ara rānei) e kitea ai āna mahi.

Ngā kōrero pitopito: (He TAUIRA Tauaromahi tēnei)

He hiahia nō tana tungane ki tētahi kākahu waka taua mō tētahi hui ā-iwi.

I tautohua e te ākonga te hanga 'pūreke' mō tana tungane.

I kōwhiria e te ākonga ngā momo rawa rerekē hei hanga i te pūreke. He harakeke, he kiekie, he taura jute, he taura rawa hou anō hoki.

I whakamāramahia te take i kōwhiria ai i ngā momo rawa rerekē.

I whakamāramahia ngā āhuatanga whāiti o ia momo rawa me te matapae he aha te hua ka hiahiatia.

I whakamāramahia te whakapapa/te takenga mai o ngā rawa - rawa māori, rawa hou.

I parahautia te whakatau ki tā ngā āhuatanga whāiti o te rawa.

I whakamāramahia ngā hononga o ngā momo rawa rerekē ki ngā atua Māori.

I whakarite **nahanaha te ākonga** te kimi, te wherawhera me te whakamātau i ngā āhuatanga whāiti o te rawa.

I whaia e te ākonga tētahi ara whaiaroaro hei whakatau i te rawa e tika ana mō te pūreke me ngā take i pēnei ai tana kōwhiringa.

He mārama te kite i te hononga o ngā hua whakamātau me ngā whakatau.

I parahautia ngā mahi whakamātau harakeke me ngā whakatau.

I taunakitia ngā mahi whakamātau me ngā whakatau ki ngā whakaahua.

He whakaahua, he hoahoa, he tā hoki ngā momo taunakitanga rerekē. He ahunga rerekē tā ngā whakaahua i hopukina.

I whakamāramahia he aha te rawa i kōwhiri ai, kāore rānei.

He mārama te kite he nahanaha te whakarite i ngā mahi katoa.

Kia eke ki te Kaiaka (K6)

Ka hōhonu te whakamārama i ngā āhuatanga o te rawa hangarau:

- Ka āta kimi, ka āta wherawhera, ka āta whakamātau i ngā āhuatanga whāiti o tētahi rawa hangarau i runga i te hiahia kia kitea te rawa e tika ana mō tētahi hanga hangarau.
- Ka parahautia ngā mahi, ngā whakatau, ngā aha atu rānei mā te āta whakarite mauhanga (ā-pepa, ā-matihiko, ā-ataata, mā tētahi atu ara rānei) e kitea ai āna mahi.

Ngā kōrero pitopito: (He TAUIRA Tauaromahi tēnei)

He hanga pūreke te hiahia motuhake.

I whakaritea he whakamātau harakeke rerekē hei whakatau i te harakeke e tika ana

I whakaatungia tētahi ara mahi hei ārahi i te whakamātau harakeke.

I whakamāramahia ngā āhuatanga o ngā harakeke rerekē me te take i whakatauhia te momo harakeke hei hanga pūreke.

I taunakitia te mahi ki te whakaahua.

Kia eke ki te Paetae (P4)

Ka whakamārama i ngā āhuatanga o te rawa hangarau:

- Ka kimi, ka wherawhera, ka whakamātau i ngā āhuatanga o tētahi rawa hangarau i runga i te hiahia kia kitea te rawa e tika ana mō tētahi hanga hangarau.
- Ka parahautia ngā mahi, ngā whakatau, ngā aha atu rānei ki ngā mauhanga (ā-pepa, ā-matihiko, ā-ataata, mā tētahi atu ara rānei) e kitea ai āna mahi.

Ngā kōrero pitopito: (He TAUIRA Tauaromahi tēnei)

I whakamātauhia te harakeke hei hanga pūreke.

I whakamāramahia ngā āhuatanga o te harakeke e hiahia ana.

I whakamāramahia ngā hua o te whakamātau.

I tautohua ngā aupiki, ngā auheke.